



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ
ՔՆՆՈՂ ԱՆՁ**

ք. Երևան

05.08.2021թ.

Ո Ր Ո Շ ՈՒ Մ

**ՀՀ գնումների հետ կապված բողոքներ քննող անձի
թիվ ԱՑ-ՆԳ-2021/186**

Հայաստանի Հանրապետության գնումների հետ կապված բողոքներ քննող անձը՝ ի դեմս Գրիգոր Ներսիսյանի,

Մասնակցությամբ՝ «ԱՐԽԻ ԹՈՒԼՍ» ՍՊԸ-ի ներկայացուցիչ Հ. Ենգոյանի (լիազորագիր՝ տրված 21.07.2021թ.),

ուսումնասիրելով Հայաստանի Հանրապետության ֆինանսների նախարարության 12.07.2021թ. թիվ 26/26-1/11216-2021 գրությամբ «ԱՐԽԻ ԹՈՒԼՍ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգով ներկայացված հիմքերը, պարզեցի հետևյալը.

1. ՀՀ ֆինանսների նախարարության ներկայացրած փաստերը և պահանջը.

ՀՀ ֆինանսների նախարարությունը, «ՀՀ կրթության, գիտության, մշակույթի և սպորտի նախարարության (հետայսու նաև՝ Պատվիրատու) 08.07.2021թ. թիվ 08.1//14733-2021 գրության հիման վրա, 12.07.2021թ. թիվ 26/26-1/11216-2021 գրությամբ նախաձեռնել է «ԱՐԽԻ ԹՈՒԼՍ» ՍՊԸ-ին (հետայսու նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

2. «ԱՐԽԻ ԹՈՒԼՍ» ՍՊԸ-ի կողմից ներկայացված փաստարկները և դիրքորոշումը.

«ԱՐԽԻ ԹՈՒԼՍ» ՍՊԸ-ն Գնումների հետ կապված բողոքներ քննող անձին ուղղված գրությանը հայտնել է հետևյալը.

««ԱՐԽԻ ԹՈՒԼՍ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ԱՅ-ՆԳ-2021/186 ընթացակարգի հիմքերի վերաբերյալ ներկայացվում են հետևյալ նկատառումները.

Գործի հակիրճ նկարագրությունը և բողոքի փաստերը

ՀՀ կրթության, գիտության, մշակույթի և սպորտի նախարարության կարիքների համար նախագծերի պատրաստման և ծախսերի գնահատման ծառայությունների ձեռքբերման նպատակով հայտարարվել է «ՀՀԿԳՄՍՆԳՀԾՁԲ-21/42» ծածկագրով գնանշման հարցման ընթացակարգ (այսուհետ նաև՝ Ընթացակարգ):

Ընթացակարգին մասնակցության հայտ է ներկայացրել նաև «ԱՐԽԻԹՈՒԼՍ» ՍՊԸ-ն:

Ընթացակարգի գնահատող հանձնաժողովի 25.06.2021թ. տեղի ունեցած նիստի թիվ 2 արձանագրության 7.3 կետի համաձայն՝ «ԱՐԽԻԹՈՒԼՍ» ՍՊԸ-ի կողմից հայտով ներկայացված փաստաթղթերը չեն համապատասխանում հրավերով սահմանված պահանջներին, մասնավորապես՝

- հստակ չէ հիմնական աշխատակազմում ներառված մասնագետների աշխատանքային փորձի ժամանակահատվածը, գործունեության ոլորտը և կատարած աշխատանքը:

- առաջարկվող աշխատակազմի մասին տեղեկանքով ներկայացված արտոնագրված ճարտարապետի մասին տեղեկատվությունը չի համապատասխանում կից ներկայացված որակավորմանը, ինչպես նաև բացակայում է արտոնագրի պատճենը,

- բացակայում է աշխատակազմում ներգրավված մասնագետների հաստատած գրավոր համաձայնությունները,

- Ներկայացված 14.08.2020թ Երևանի քաղաքապետարանի հետ կնքված թիվ ԵՔ-ԳՀԽԱՇՁԲ-20/7 պայմանագրի /այսուհետ՝ Պայմանագիր/ սահմանված ժամկետում կատարումը հավաստող հանձնման-ընդունման արձանագրությունների գումարը պակաս է Պայմանագրով սահմանված գումարից, ինչպես նաև խախտված են Պայմանագրով սահմանված աշխատանքների կատարման ժամկետները, ինչը չի կարող գնահատվել որպես պատշաճ կատարված:

Արդյունքում գնահատող հանձնաժողովի կողմից «ԱՐԽԻԹՈՒԼԱ» ՍՊԸ-ին տրամադրվել է 1 աշխատանքային օր ժամկետ՝ անհամապատասխանությունը շտկելու համար:

Ընթացակարգի գնահատող հանձնաժողովը արձանագրել է, որ սահմանված ժամկետում «ԱՐԽԻԹՈՒԼԱ» ՍՊԸ-ի կողմից չի ներկայացվել շտկված փաստաթղթերը, ինչի արդյունքում գնահատող հանձնաժողովը որոշել է «ԱՐԽԻԹՈՒԼԱ» ՍՊԸ-ի հայտը գնահատել անբավարար և մերժել:

Գործի իրավական հիմքերը և հիմնավորումները.

ՀՀ Սահմանադրության 86-րդ հոդվածի 1-ին մասի 1-ին կետի համաձայն՝ տնտեսական, սոցիալական և մշակութային ոլորտներում պետության քաղաքականության հիմնական նպատակներն են գործարար միջավայրի բարելավումը և ձեռնարկատիրության խթանումը:

«Գնումների մասին» ՀՀ օրենքի (այսուհետ նաև՝ Օրենք) 6-րդ հոդվածի 1-ին մասի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Օրենքի 34-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի (հետայսու նաև՝ Կարգ) 26-րդ կետի 9-րդ ենթակետի համաձայն՝ գնահատող հանձնաժողովի անդամը պատասխանատվություն է կրում իր որոշումների, այդ թվում՝ իր կողմից հաստատված փաստաթղթերի, պահանջների, ինչպես նաև գնման ընթացակարգի հաղթողին որոշելու հիմնավորվածության համար:

Կարգի 41-րդ կետի համաձայն՝ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, ներառյալ այն դեպքերը, երբ հայտում ներառված՝ Հայաստանի Հանրապետության ռեզիդենտ հանդիսացող մասնակցի կողմից հաստատված փաստաթղթերը կամ դրանց մի մասը հաստատված չեն էլեկտրոնային թվային ստորագրությամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը: Եթե անհամապատասխանությունն արձանագրվել է ՀՀ պետական եկամուտների կոմիտեից ստացված տեղեկատվության հիման վրա, ապա մասնակցին ուղարկվող ծանուցմանը կցվում է նաև կոմիտեից ստացված տեղեկատվության բնօրինակից սկանավորված տարբերակը: Մասնակցին ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները:

Կարգի 46-րդ կետի համաձայն՝ կարգի 43-րդ կետի 4-րդ ենթակետով նախատեսված ժամկետի ավարտին հաջորդող աշխատանքային օրը քարտուղարն էլեկտրոնային եղանակով հանձնաժողովի անդամներին միաժամանակ տրամադրում է առաջին տեղն զբաղեցրած մասնակցի կողմից ներկայացված փաստաթղթերի պատճենները, գնահատման թերթիկների երկուական օրինակ և կոմիտեից ստացված տեղեկատվությունը: Հայտերի գնահատման արդյունքների հաստատման նիստը հրավիրվում է սույն կարգի 32-րդ կետի 22-րդ ենթակետով սահմանված ժամկետներում: Ընդ որում, ապրանքների գնման դեպքում հանձնաժողովը գնահատում է նաև ներկայացված տեխնիկական բնութագրերի համապատասխանությունը հրավերի պահանջներին, իսկ անհամապատասխանություն արձանագրելու դեպքում հանձնաժողովի նիստի արձանագրության մեջ մանրամասն նկարագրվում են հայտնաբերված անհամապատասխանությունները:

Գնումների հետ կապված բողոքներ քննող անձին խնդրում ենք նկատի ունենալ, որ այստեղ առկա են գնահատող հանձնաժողովի կողմից թույլ տված մի շարք խախտումներ, մասնավորապես, կամ պահանջված շտկումները եղել են ոչ իրավաչափ և չեն բխել Ընթացակարգի հրավերի պահանջներից կամ եղել են անորոշ, չհստակեցրած և վերացական: Վերոհիշյալն էլ իր հերթին ոչ իրավաչափորեն հանգեցրել է տվյալ

մասնակցի համար գնումների գործընթացին մասնակցելու իրավունք չունեցող մասնակիցների ցուցակում ներառվելու վտանգ:

Այսպես, Ընթացակարգի գնահատող հանձնաժողովի 25.06.2021թ. տեղի ունեցած նիստի թիվ 2 արձանագրության 7.3 կետի համաձայն՝ «ԱՐԽԻԹՈՒԼՍ» ՍՊԸ-ի կողմից հայտով ներկայացված փաստաթղթերը չեն համապատասխանում հրավերով սահմանված պահանջներին, մասնավորապես՝

- հստակ չէ հիմնական աշխատակազմում ներառված մասնագետների աշխատանքային փորձի ժամանակահատվածը, գործունեության ոլորտը և կատարած աշխատանքը:

Բողոքներ քննող անձին խնդրում ենք հաշվի առնել, որ այս կետով արձանագրված անհամապատասխանությունը նաև անորոշ է, ոչ հստակ և վերացական, և չի բավարարում Կարգի 29-րդ և 46-րդ կետի պահանջներին (ինչով է ներկայացված տեղեկատվությունը ոչ հստակ), ինչի արդյունքում ակնհայտորեն խախտվել է իրավական որոշակիության և կանխատեսելիության սահմանադրական սկզբունքները (այդ մասին ավելի մանրամասն տե՛ս ՀՀ Սահմանադրական դատարանի 18.04.2006թ. թիվ ՍԴՈ-630, 15.01.2008թ. թիվ ՍԴՈ-723 և 29.01.2008թ. թիվ ՍԴՈ-731 որոշումները:

- առաջարկվող աշխատակազմի մասին տեղեկանքով ներկայացված արտոնագրված ճարտարապետի մասին տեղեկատվությունը չի համապատասխանում կից ներկայացված որակավորմանը, ինչպես նաև բացակայում է արտոնագրի պատճենը,

Բողոքներ քննող անձին խնդրում են նկատի ունենալ, որ գնահատող հանձնաժողովը չի պահպանել Կարգի 41-րդ և 46-րդ կետի պահանջները, որը սահմանում է, որ անհամապատասխանություն արձանագրելու դեպքում հանձնաժողովի նիստի արձանագրության մեջ, ինչպես նաև մասնակցի ուղարկվող ծանուցման մեջ մանրամասն նկարագրվում են հայտնաբերված անհամապատասխանությունները: Մինչդեռ ուսումնասիրելով Ընթացակարգի գնահատող հանձնաժողովի գնահատող հանձնաժողովի 25.06.2021թ. տեղի ունեցած նիստի թիվ 2 արձանագրությունը, ինչպես նաև այս մասով արձանագրված անհամապատասխանությունը և պահանջված շտկումը, պարզ է դառնում, որ գնահատող հանձնաժողովը չի նշել, թե առաջարկվող աշխատակազմի մասին տեղեկանքով ներկայացված արտոնագրված ճարտարապետի մասին տեղեկատվությունը ինչով չի համապատասխանում կից ներկայացված որակավորմանը, որն է թերությունը, և մասնակիցը ինչ պետք է շտկի, մնում է անհայտ:

- Ներկայացված 14.08.2020թ Երևանի քաղաքապետարանի հետ կնքված թիվ ԵՔ-ԳՀԽԱՇՁԲ-20/7 պայմանագրով /այսուհետ՝ Պայմանագիր/ սահմանված աշխատանքների կատարման ժամկետները, ինչը չի կարող գնահատվել որպես պատշաճ կատարված

Գտնում ենք, որ եթե ներկայացված պայմանագրով առկա են հանձնման-ընդունման արձանագրություններ, ապա վերոհիշյալը վկայում է, որ տվյալ պայմանագիրը կատարվել և ավարտվել է, իսկ պատվիրատուն չի լուծել նշված պայմանագիրը՝ այն ոչ պատշաճ կատարելու հիմքով: Իսկ նման պարագայում ներկայացրած պայմանագիրը չի կարող դիտարկվել որպես անպատշաճ, քանի որ անպատշաճ կատարումը պայմանագրի ուժով հանգեցնում է դրա միակողմանի լուծմանը: Նույնը վերաբերվում է նաև պայմանագրի գնին:

Ի մի բերելով վերը նշված փաստերն ու փաստական հանգամանքները՝ գտնում ենք, որ Ընթացակարգի գնահատող հանձնաժողովի նման ոչ իրավաչափ վարքագծի պայմաններում «ԱՐԽԻ ԹՈՒԼՍ» ՍՊԸ-ի կողմից թույլ չի տրվել «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետով նախատեսված գնման գործընթացի շրջանակներում ստանձնած պարտավորության որևէ խախտում, ուստի և առկա չեն «ԱՐԽԻ ԹՈՒԼՍ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքերը:

Ելնելով վերոգրյալից՝ խնդրում ենք «ԱՐԽԻ ԹՈՒԼՍ» ՍՊԸ-ին չվերագրել «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետով նախատեսված գնման գործընթացի շրջանակներում ստանձնած պարտավորության խախտում, և վերջինիսի չներառել «Գնումների գործընթացին մասնակցելու իրավունք չունեցող մասնակիցների ցուցակում»:

«ԱՐԽԻ ԹՈՒԼՍ» ՍՊԸ-ն, պատշաճ ծանուցված լինելով ՍՑ-ՆԳ-2021/186 ընթացակարգի շրջանակներում 26.07.2021թ. ժամը 10:00-ին և 05.08.2021թ. ժամը 09:10-ին հրավիրված նիստերի վերաբերյալ, 05.08.2021թ. ժամը 09:10-ին հրավիրված նիստին ապահովել է իր ներկայացուցչի մասնակցությունը, ով հայտնել է վերոհիշյալ գրությամբ ներկայացված դիրքորոշումը:

3. «ՀՀ կրթության, գիտության, մշակույթի և սպորտի նախարարության կողմից ներկայացված փաստարկները և դիրքորոշումը.

«ՀՀ կրթության, գիտության, մշակույթի և սպորտի նախարարությունը ՀՀ ֆինանսների նախարարությանն ուղղված 08.07.2021թ. թիվ 08.1//14733-2021 գրությամբ հայտնել է հետևյալը.

«Տեղեկացնում եմ Ձեզ, որ նախարարության կողմից 2021 թվականի հունիսի 25-ին գնանշման հարցման ընթացակարգով «ՀՀԿԳՄՍՆԳՀԱԾՁԲ-21/42» ծածկագրով կազմակերպված նախագծերի պատրաստման, ծախսերի գնահատման (ներառական կրթության համակարգի ներդրում) ծառայությունների գնման գործընթացին հայտ է ներկայացրել «ԱՐԽԻ ԹՈՒԼՍ» ՍՊԸ-ն: Հաշվի առնելով, որ մասնակցի կողմից ներկայացված փաստաթղթերը կազմված չեն հրավերի պահանջներին համապատասխան՝ գնումների մասին ՀՀ օրենսդրությամբ սահմանված կարգով գնահատման գործընթացը կասեցվել է և 2021 թվականի հունիսի 29-ին «ԱՐԽԻ ԹՈՒԼՍ» ՍՊԸ-ին առաջարկվել է մեկ աշխատանքային օրվա ընթացքում շտկել արձանագրված անհամապատասխանությունները, սակայն դրանք չեն շտկվել և վերջինիս հայտը մերժվել է:

Ելնելով վերոգրյալից՝ ստորև ներկայացնում եմ վերոնշյալ մասնակցի վերաբերյալ տվյալները և համապատասխան հիմքերը գնումների ընթացակարգերին մասնակցելու հրավումք չունեցող մասնակիցների ցուցակում ներառելու նպատակով»:

Պատվիրատուն, պատշաճ ծանուցված լինելով ՍՑ-ՆԳ-2021/186 ընթացակարգի շրջանակներում 26.07.2021թ. ժամը 10:00-ին և 05.08.2021թ. ժամը 09:10-ին հրավիրված նիստերի վերաբերյալ, չի ապահովել իր ներկայացուցչի մասնակցությունը:

4. ՍՑ-ՆԳ-2021/186 ընթացակարգի քննության համար էական նշանակություն ունեցող փաստերը.

ՍՑ-ՆԳ-2021/186 ընթացակարգի քննության համար էական նշանակություն ունեն հետևյալ փաստերը.

1. ՀՀ կրթության, գիտության, մշակույթի և սպորտի նախարարության կողմից իր կարիքների համար նախագծերի պատրաստման և ծախսերի գնահատման ծառայությունների ձեռքբերման նպատակով հայտարարվել է «ՀՀԿԳՄՍՆԳՀԱԾՁԲ-21/42» ծածկագրով գնանշման հարցման ընթացակարգ (հետայսու նաև՝ Ընթացակարգ), որին մասնակցելու նպատակով հայտ է ներկայացրել «ԱՐԽԻ ԹՈՒԼՍ» ՍՊԸ-ն:

2. Ընթացակարգի գնահատող հանձնաժողովի թիվ 2 արձանագրության համաձայն՝ 29.06.2021թ. Ընթացակարգի գնահատող հանձնաժողովը՝ գնահատելով հայտում պահանջվող փաստաթղթերի առկայությունը և դրանց կազմման համապատասխանությունը հրավերով սահմանված վավերապայմաններին և արձանագրել է, որ.

«ԱՐԽԻ ԹՈՒԼՍ» ՍՊԸ-ի կողմից հայտով ներկայացված փաստաթղթերը չեն համապատասխանում հրավերով սահմանված պահանջներին, մասնավորապես՝

- հստակ չէ հիմնական աշխատակազմում ներառված մասնագետների աշխատանքային փորձի ժամանակահատվածը, գործունեության ոլորտը և կատարած աշխատանքը:

- առաջարկվող աշխատակազմի մասին տեղեկանքով ներկայացված արտոնագրված ճարտարապետի մասին տեղեկատվությունը չի համապատասխանում կից ներկայացված որակավորմանը, ինչպես նաև բացակայում է արտոնագրի պատճենը,

- բացակայում է աշխատակազմում ներգրավված մասնագետների հաստատած գրավոր համաձայնությունները,

- Ներկայացված 14.08.2020թ Երևանի քաղաքապետարանի հետ կնքված թիվ ԵՔ-ԳՀԽԱՇՁԲ-20/7 պայմանագրի /այսուհետ՝ Պայմանագիր/ սահմանված ժամկետում կատարումը հավաստող հանձնման-ընդունման արձանագրությունների գումարը պակաս է Պայմանագրով սահմանված գումարից, ինչպես նաև խախտված են Պայմանագրով սահմանված աշխատանքների կատարման ժամկետները, ինչը չի կարող գնահատվել որպես պատշաճ կատարված:

3. Ընթացակարգի գնահատող հանձնաժողովը նույն արձանագրությամբ որոշում է կայացրել նիստը մեկ աշխատանքային օրով կասեցնելու վերաբերյալ՝ Ընկերությանը առաջարկելով ծանուցումը ստանալուց հետո մեկ աշխատանքային օրվա ընթացքում շտկել արձանագրված անհամապատասխանությունները:

4. Ընթացակարգի գնահատող հանձնաժողովի քարտուղարը Armeps էլեկտրոնային գնումների համակարգի միջոցով 29.06.2021թ. ծանուցել է Ընկերությանը՝ արձանագրված անհամապատասխանությունները շտկելու վերաբերյալ:

5. Ընթացակարգի գնահատող հանձնաժողովը շարունակելով նիստը՝ 02.07.2021թ. արձանագրել է, որ «ԱՐԽԻ ԹՈՒԼՍ» ՍՊԸ-ի կողմից սահմանված ժամկետում չեն ներկայացվել շտկված փաստաթղթեր և որոշում կայացրել վերջինիս հայտն անբավարար գնահատելու և մերժելու վերաբերյալ:

5. ՀՀ գնումների հետ կապված բողոքներ քննող անձի հիմնավորումները և եզրահանգումը.

ՀՀ գնումների հետ կապված բողոքներ քննող անձ Գրիգոր Ներսիսյանս, ուսումնասիրելով ՀՀ ֆինանսների նախարարության 12.07.2021թ. թիվ 26/26-1/11216-2021 գրությունը, ՀՀ կրթության, գիտության, մշակույթի և սպորտի նախարարության 08.07.2021թ. թիվ 08.1//14733-2021 գրությունը՝ կից փաստաթղթերով, «ԱՐԽԻ ԹՈՒԼՍ» ՍՊԸ-ի գրությունը, հայտնում եմ հետևյալը.

«Գնումների մասին» ՀՀ օրենքի (հետայսու նաև՝ Օրենք) 6-րդ հոդվածի 1-ին մասի 6-րդ կետի համաձայն՝ բացառությամբ նույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի, գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ ***գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից*** պայմանագրի միակողմանի լուծմանը ***կամ գնման գործընթացին փվյալ մասնակցի հետագա մասնակցության դադարեցմանը,***

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Օրենքի 6-րդ հոդվածի 2-րդ մասը սահմանում է, որ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում գնումների հետ կապված բողոքներ քննող մարմնում՝ առանց վճարի: Տվյալ մասնակցի կարծիքը լսելուց հետո գնումների հետ կապված բողոքներ քննող անձը սույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին սույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Օրենքի 34-րդ հոդվածի 1-ին մասի համաձայն՝ **հայրերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայրերը, հակառակ դեպքում հայրերը գնահատվում են անբավարար և մերժվում են:**

ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի 32-րդ կետի 19-րդ ենթակետի համաձայն՝ եթե մասնակցի՝ հրավերով նախատեսված գնումներին մասնակցելու իրավունք ունենալու մասին հավաստումը որակվում է որպես իրականությանը չհամապատասխանող, կամ մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը կամ ընտրված մասնակիցը չի ներկայացնում որակավորման ապահովումը, ապա այդ հանգամանքը համարվում է որպես գնման գործընթացի շրջանակում ստանձնված պարտավորության խախտում:

ՀՀ կրթության, գիտության, մշակույթի և սպորտի նախարարության կողմից իր կարիքների համար նախագծերի պատրաստման և ծախսերի գնահատման ծառայությունների ձեռքբերման նպատակով հայտարարվել է «ՀՀԿԳՄՍՆԳՀԱԾՁԲ-21/42» ծածկագրով գնանշման հարցման ընթացակարգ, որին մասնակցելու նպատակով հայտ է ներկայացրել «ԱՐԽԻ ԹՈՒԼՍ» ՍՊԸ-ն:

Ընթացակարգի գնահատող հանձնաժողովի թիվ 2 արձանագրության համաձայն՝ 29.06.2021թ. Ընթացակարգի գնահատող հանձնաժողովը՝ գնահատելով հայտում պահանջվող փաստաթղթերի առկայությունը և դրանց կազմման համապատասխանությունը հրավերով սահմանված վավերապայմաններին և արձանագրել է, որ «ԱՐԽԻ ԹՈՒԼՍ» ՍՊԸ-ի կողմից հայտով ներկայացված փաստաթղթերը չեն համապատասխանում հրավերով սահմանված պահանջներին, մասնավորապես՝

- հստակ չէ հիմնական աշխատակազմում ներառված մասնագետների աշխատանքային փորձի ժամանակահատվածը, գործունեության ոլորտը և կատարած աշխատանքը:

- առաջարկվող աշխատակազմի մասին տեղեկանքով ներկայացված արտոնագրված ճարտարապետի մասին տեղեկատվությունը չի համապատասխանում կից ներկայացված որակավորմանը, ինչպես նաև բացակայում է արտոնագրի պատճենը,

- **բացակայում է աշխատակազմում ներգրավված մասնագետների հաստատված գրավոր համաձայնությունները,**

- Ներկայացված 14.08.2020թ Երևանի քաղաքապետարանի հետ կնքված թիվ ԵՔ-ԳՀԽԱՇՁԲ-20/7 պայմանագրի /այսուհետ՝ Պայմանագիր/ սահմանված ժամկետում կատարումը հավաստող հանձնման-ընդունման արձանագրությունների գումարը պակաս է Պայմանագրով սահմանված գումարից, ինչպես նաև խախտված են Պայմանագրով սահմանված աշխատանքների կատարման ժամկետները, ինչը չի կարող գնահատվել որպես պատշաճ կատարված:

Ընթացակարգի գնահատող հանձնաժողովը նույն արձանագրությամբ որոշում է կայացրել նիստը մեկ աշխատանքային օրով կասեցնելու վերաբերյալ՝ Ընկերությանը առաջարկելով ծանուցումը ստանալուց հետո մեկ աշխատանքային օրվա ընթացքում շտկել արձանագրված անհամապատասխանությունները:

Ընթացակարգի գնահատող հանձնաժողովի քարտուղարը Armeps էլեկտրոնային գնումների համակարգի միջոցով 29.06.2021թ. ծանուցել է Ընկերությանը՝ արձանագրված անհամապատասխանությունները շտկելու վերաբերյալ:

Ընթացակարգի գնահատող հանձնաժողովը շարունակելով նիստը՝ 02.07.2021թ. արձանագրել է, որ «ԱՐԽԻ ԹՈՒԼՍ» ՍՊԸ-ի կողմից սահմանված ժամկետում չեն ներկայացվել շտկված փաստաթղթեր և որոշում կայացրել վերջինիս հայտն անբավարար գնահատելու և մերժելու վերաբերյալ:

Այսպես, Օրենքի 6-րդ հոդվածի 3-րդ մասը սահմանում է, որ մասնակիցը պետք է բավարարի հրավերով սահմանված որակավորման չափանիշները:

Նույն մասի 5-րդ կետի համաձայն՝ մասնակիցը պետք է ունենա պայմանագրով նախատեսված պարտավորությունների կատարման համար հրավերով պահանջվող աշխատանքային ռեսուրսներ:

Օրենքի նույն հոդվածի 6-րդ մասի համաձայն՝ **հրավերով սահմանվում են մասնակցի՝ տվյալ գնումներին մասնակցելու իրավունքը և որակավորումը գնահատելու չափանիշները, կարգը և դրա համար պահանջվող փաստաթղթերին (տեղեկություններին) ներկայացվող պահանջները:**

Ընթացակարգի հրավերի ՄԱՍ I-ի 2.4-րդ կետի 2-րդ ենթակետի բ) և գ) պարբերությունների համաձայն՝ **«Աշխատանքային ռեսուրսներ» որակավորման չափանիշը սահմանվում և գնահատվում է հետևյալ կարգով՝**

բ) մասնակիցը որպես որակավորման չափանիշի հիմնավորող փաստաթուղթ ներկայացնում է պայմանագրի կատարման համար առաջարկվող աշխատակազմի վերաբերյալ տվյալները հետևյալ ձևով՝

Հիմնական աշխատակազմում ներառված մասնագետների				
անունը՝ ազգանունը	Որակավորումը	աշխատանքային փորձը		գործատուի անվանումը
		Ժամանակահատվածը	գործունեության ոլորտը և կատարած աշխատանքը	
1	2	3	4	5

գ) **Ընդ որում աշխատանքային ռեսուրսների առկայությունը հիմնավորելու համար Մասնակիցը հայտով ներկայացնում է հրավերով սահմանված առաջադրված աշխատակազմում ներգրավված մասնագետների հաստատված գրավոր համաձայնությունները՝ մատուցվող ծառայություններում վերջիններիս ներգրավվելու մասին**, ինչպես նաև մասնագետների անձնագրերի և որակավորումը հավաստող փաստաթղթերի (դիպլոմ, վկայագիր, հավաստագիր, արտոնագիրևայլն) պատճենները, *իսկ արտոնագրված ճարտարապետի համար՝ ճարտարապետի մասնագիտական գործունեության իրականացում առանց սահմանափակումների, բացառությամբ տարածական պլանավորման փաստաթղթերի, պատմության և մշակույթի անշարժ հուշարձանների վերականգնման, ամրակայման և օգտագործման նախագծերի մշակման ոլորտի բարձրագույն դասի, «Ա» ենթադասի արտոնագրի պատճենը:

Ընթացակարգի հրավերի համաձայն՝ կնքվելիք պայմանագրի կատարման համար առաջարկվող աշխատակազմի մասին տեղեկանքը սահմանվել է հետևյալ տեսքով՝

Տ Ե Ղ Ե Կ Ա Ն Ք

կնքվելիք պայմանագրի կատարման համար առաջարկվող աշխատակազմի մասին

N	Հիմնական աշխատակազմում ներառված մասնագետների				
	Անունը, Ազգանունը	Որակավորումը	Աշխատանքային փորձը		Գործատուի անվանումը
			Ժամանակահատվածը	Գործունեության ոլորտը և կատարած աշխատանքը	
1	2	3	4	5	6
1					
2					
..					

*Ընդ որում աշխատանքային ռեսուրսների առկայությունը հիմնավորելու համար մասնակիցը ներկայացնում է առաջադրված աշխատակազմում ներգրավված մասնագետների հաստատված գրավոր համաձայնությունները՝ մատուցվող ծառայություններում վերջիններիս ներգրավվելու մասին, ինչպես նաև մասնագետների անձնագրերի և որակավորումը հավաստող փաստաթղթերի (դիպլոմ, վկայագիր, հավաստագիր, արտոնագիրնայլն) պատճենները, *իսկ արտոնագրված ճարտարապետի համար՝ ճարտարապետի մասնագիտական գործունեության իրականացում առանց սահմանափակումների, բացառությամբ տարածական պլանավորման փաստաթղթերի, պատմության և մշակույթի անշարժ հուշարձանների վերականգնման, ամրակայման և օգտագործման նախագծերի մշակման ոլորտի բարձրագույն դասի, «Ա» ենթադասի արտոնագրի պատճենը:*

Այսպիսով՝ Կարգի 41-րդ կետով սահմանվում է, որ եթե հայտերի բացման և գնահատման նիստի ընթացքում իրականացված գնահատման արդյունքում մասնակցի հայտում արձանագրվում են անհամապատասխանություններ՝ հրավերի պահանջների նկատմամբ, ապա հանձնաժողովը մեկ աշխատանքային օրով կասեցնում է նիստը, իսկ հանձնաժողովի քարտուղարը նույն օրը դրա մասին էլեկտրոնային եղանակով ծանուցում է մասնակցին՝ առաջարկելով մինչև կասեցման ժամկետի ավարտը շտկել անհամապատասխանությունը:

Ընդ որում Կարգի 42-րդ կետի համաձայն՝ եթե սույն կարգի 41-րդ կետով սահմանված ժամկետում մասնակիցը շտկում է արձանագրված անհամապատասխանությունը, ապա նրա հայտը գնահատվում է բավարար: **Հակառակ դեպքում տվյալ մասնակցի հայտը գնահատվում է անբավարար և մերժվում է:**

Ընկերությունը Կարգի 41-րդ կետի համաձայն ծանուցվել է հայտում առկա անհամապատասխանությունները շտկելու վերաբերյալ, սակայն սահմանված ժամկետում չի շտկել՝ մասնավորապես չի ներկայացրել Ընթացակարգի հրավերի ՄԱՍ I-ի 2.4-րդ կետի 2-րդ ենթակետի գ) պարբերությամբ պահանջվող՝ աշխատանքային ռեսուրսների առկայությունը հիմնավորելու համար հայտով ներկայացվող հրավերով սահմանված առաջադրված աշխատակազմում ներգրավված մասնագետների հաստատված գրավոր համաձայնությունները՝ մատուցվող ծառայություններում վերջիններիս ներգրավվելու մասին, որը հանգեցրել է Ընթացակարգին Ընկերության հետագա մասնակցության դադարեցմանը:

Այսպիսով՝ արձանագրում եմ, որ Ընթացակարգի գնահատող հանձնաժողովի կողմից նիստի թիվ 2 արձանագրությամբ արձանագրված վերը նշված անհամապատասխանության չշտկումն արդեն իսկ բավարար է, որպեսզի Ընկերությանը վերագրվի Օրենքի 6-րդ հոդվածի 1-ին մասի 6-րդ կետի «ա» ենթակետով նախատեսված գնման գործընթացի շրջանակներում ստանձնած պարտավորության խախտում, ուստի Գնումների հետ կապված բողոքներ քննող անձի կողմից անդրադարձ չի կատարվում

Ընթացակարգի գնահատող հանձնաժողովի կողմից արձանագրված և Ընկերության կողմից չշտկված մյուս անհամապատասխանություններին:

Ամփոփելով վերոգրյալը՝ արձանագրում եմ, որ Կարգի 32-րդ կետի 19-րդ ենթակետով սահմանվում է, որ եթե մասնակցի՝ հրավերով նախատեսված գնումներին մասնակցելու իրավունք ունենալու մասին հավաստումը որակվում է որպես իրականությանը չհամապատասխանող, կամ **մասնակիցը հրավերով սահմանված կարգով և ժամկետներում չի ներկայացնում հրավերով նախատեսված փաստաթղթերը** կամ ընտրված մասնակիցը չի ներկայացնում որակավորման ապահովումը, **ապա այդ հանգամանքը համարվում է որպես գնման գործընթացի շրջանակում ստանձնված պարտավորության խախտում:**

Օրենքի 6-րդ հոդվածի 1-ին մասի 6-րդ կետի «ա» ենթակետի համաձայն՝ **մասնակիցն ընդգրկվում է նշված ցուցակում, եթե խախտել է գնման գործընթացի շրջանակում ստանձնած պարտավորությունը, որը հանգեցրել է գնման գործընթացին տվյալ մասնակցի հեղազա մասնակցության դադարեցմանը:**

Այսպիսով՝ գործով առկա նյութերը համադրելով կիրառման ենթակա նորմերի հետ, գտնում եմ, որ «ԱՐԽԻ ԹՈՒԼԱ» ՍՊԸ-ն «ՀՀԿԳՄՍՆԳՀԱԾՁԲ-21/42» ծածկագրով ընթացակարգի շրջանակներում թույլ է տվել «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետով նախատեսված խախտում, ուստի առկա են Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու հիմքերը:

Օրենքի 50-րդ հոդվածի 7-րդ մասի 2-րդ կետի համաձայն՝ Գնումների հետ կապված բողոքներ քննող անձը որոշում է կայացնում մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու մասին:

Նույն օրենքի 6-րդ հոդվածի 2-րդ մասը սահմանում է, որ անձը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է երկու տարի ժամկետով:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասի 2-րդ կետով՝

Ո Ր Ո Շ Ե Ց Ի

Հայաստանի Հանրապետության ֆինանսների նախարարության 12.07.2021թ. թիվ 26/26-1/11216-2021 գրությամբ «ԱՐԻՄԻ ԹՈՒԼՍ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը բավարարել և «ԱՐԻՄԻ ԹՈՒԼՍ» ՍՊԸ-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների հետ կապված բողոքներ քննող անձի որոշումն ուժի մեջ մտնելու օրվանից հաշված երկու տարի ժամկետով:

ՀՀ գնումների հետ կապված բողոքներ քննող անձի որոշումն իրավապարտադիր է և ուժի մեջ է մտնում տեղեկագրում հրապարակվելու հաջորդ օրը:

ՀՀ գնումների հետ կապված բողոքներ քննող անձի որոշումը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**Գնումների հետ կապված
բողոքներ քննող անձ՝**



ԳՐԻԳՈՐ ՆԵՐՍԻՍՅԱՆ